



## AKCIJA OSTRVO U Ljubuškom uhapšene četiri osobe

# INSPEKTORI ZAPLIJENILI POLA KILOGRAMA HEROINA

Inspektori **SIPA-e** su u sklopu akcije Ostrvo uhapšili četiri osobe na području Ljubuškog, te pretresli objekte na tri lokacije.

Uhapšeni su bh. državljani D.V. (36), Z.P. (25) i A.B. (29) i R.K. (31), državljani Albanije, zbog sumnje da su iz Hrvatske i Njemačke kokain prebacivali u BiH. Ova četvorka se sumnjiči da je taj kokain, u količinama od pet do 100 grama, dalje prodavala preprodavačima i krajnjim konzumentima na području ZHK i Hercegovačko-neretvanskog kantona.

Iako je istraga protiv



Heroin pronaden u kući jednog od uhapšenih

četvorka započeta zbog sumnje da su trgovali kokainom, tokom jučerašnjih pretresa

u kući D. V. pronadeno je i oko pola kilograma heroina, i to više od

400 grama miksano heroina i oko 65 grama heroina visoke čistoće i kvaliteta.

Pretresom ostalih lokacija u Ljubuškom, službenici SIPA-e pronašli su i privremeno oduzeli mobilni telefon, SIM karticu, pakovanje kokaina i druge predmete koji mogu poslužiti u daljem postupku.

Uhapšeni su privedeni u prostorije **SIPA-e** na saslušanje, a još nekoliko osoba bit će ispitano kao svjedoci.

Akcija Ostrvo realizirana je po naredbama Suda BiH i Tužilaštva BiH, uz podršku MUP-a HNK i MUP-a ZHK, te Granične policije BiH. **B. P.**